

✿ 命 令

新舉臨時大總統袁 命令

學部呈稱本部正首領唐景崇假期屆滿病仍未痊須派員接任等語學務正首領委任張元奇兼署此令

中華民國元年二月二十二日即壬子年正月初五日

新舉臨時大總統袁 命令

法部副首領曾鑑呈稱舊疾增劇懇請辭職等語應即照准法部副首領委任王世珙兼署此令

中華民國元年二月二十二日即壬子年正月初五日

袁大總統答拜外交團

袁大總統被公舉後英美德比各使先後往賀昨日（陽歷二月二十日）下午四鐘袁大總統專誠赴東交民巷英美德比四使署答拜各國均列兵隊防護兼表歡迎之意

通時公報

曆歷二月廿三日即壬子正月初六日

電報

上海唐少川致袁大總統電

陽歷二月二十一日即壬子正月初四日

南京派出各員列下教育部總長蔡元培爲歡迎專使外交部次長魏宸組海軍顧問劉冠雄參謀部次長鈕永建法制局局長宋教仁陸軍部軍需局局長曾昭文步兵第三十一團長黃愷元湖北外交司長王正廷前議和參贊汪兆銘爲歡迎員謹聞儀號印

安慶都督孫毓筠致袁大總統電

陽歷二月十九日即壬子正月初二日

天興民國肇造共和公繼中山統一全局中外人民同聲歡忭以大魄力經驗擔任國事後此無量建設必有以副四萬萬同胞之望敬爲我民國前途祝嘏都督孫毓筠叩皓

袁大總統復安慶孫都督毓筠電

陽歷二月二十日即壬子正月初三日

皓電悉承譽婉悚共和確定皆諸志士促進之功鄙人何力之有乃荷公推勉擔義務建設方始經緯萬端全賴邦人君子齊心協力贊畫新猷蔚成郅治執事保障地方勛勞久著仍望維持秩序增進文明同謀國民幸福袁世凱號

杭州浙軍都督蔣尊簋來電

南京孫大總統參議院各部湖北黎副總統北京袁新總統各都督上海唐伍代表前敵各司令均鑒接參議院刪電謹悉孫大總統踐誓辭職舉袁公爲新總統孫公之德袁公之功皆足永留歷史之光莫名欽佩惟組織臨時政府地點來電尙未明言無從懸揣江蘇莊都督咸日

陽歷二月廿三日即壬子正月初六日

通電尊簋極爲贊同此事甚有關係請參議院以公正之眼光詳加研究爲要並請將前後會議情形及兩方主張理由明白宣布以釋羣疑無任禱盼浙都督蔣尊簋叩皓

杭州浙軍都督蔣尊簋致袁大總統電

陽歷二月十九日即壬子正月初二日

得南京參議院刪電知全場一致舉公爲新總統願公爲民請命荷此仔肩民國前途必增幸福尊簋待罪浙江材輕任重惟有謹聽教誨鞭弭相從不勝欣幸之至敬先電賀浙都督蔣尊簋叩皓

倪藩台嗣冲暨穎阜臺太等處官紳軍警商學各界公舉袁大總統電

陽歷二月十八日

即壬子正月初一日

外務部民政部度支部學部陸軍部海軍部法部農工商部郵傳部理藩部各國務大臣軍諮府大臣軍事參議處鈞鑒自宣布共和以來潁州官紳軍警商學各界連日集議均以 清帝俯順輿情將統治之權公之天下民國得即成立同深懼忭惟當此過渡時代亟須公推大總統組織共和政府爲國民增進幸福溯自武漢用兵以來生靈塗炭國本動搖幸賴全權袁宮太保維持調護委曲求全得以支撐危局人心所歸宜即公推爲大總統倘袁宮太保謙抑辭謝竊恐當此人心浮動之時必致全軍失望萬一因而解體禍變之來不可思議不惟未享共和之福轉受無窮之害必非宮保拯救兆民之意云云異口同聲不謀而合用特電稟鈞處請即轉懇全權袁宮太保俯從所請早降明示勉任大總統一席實爲萬幸倪嗣冲暨穎阜臺

太等處官紳軍警商學各界代表王樹中康新民李樹梓王壬癸魏毓棠朱文藻于有富蹇聯甲李輔勛韓大武王裕承甯繼恭倪毓桐盧璵璠李培杵吳奉思胡敬業呂調元等全體全叩
肥河倪藩台代表穎郡官紳軍警商學各界慶賀袁大總統電 陽歷二月二十日即壬子

正月初三日

頃聞南北官紳軍警商學各界同聲感戴足徵威德所播遐邇同欽率土歸心無遠弗届從此民族咸叨蔭櫟國基固於苞桑如禹甸之同登寶堯天之共戴穎郡官紳軍警商學各界異口同聲歡呼雷動謹代表專電叩賀伏乞早日蒞任用慰民望實爲至幸倪嗣冲叩東

天津國民共進會致袁大總統電 陽歷二月十九日即壬子正月初二日

共和成立國民同深望治徒以南北爭持地點迄未統一致陷無政府狀態內政外交萬分危急且北方尙未穩固以形勢時勢及建設各方面而論目前斷無捨北就南之理自宜速就京津組織臨時統一政府以固邦基至建設問題首在政體政體既定再議建都亦未爲晚然要非俟國會成立不能取決現在組織既新臨時如有未宜不難議改此時政府未立何暇爭此不急之點而忘當務之急設有他虞何堪挽救竊望以顧全大局爲前提迅速協商以慰民望全國幸甚天津國民共進會囑

湯河范統領國璋暨全協官兵致袁大總統電 陽歷二月十九日即壬子正月初二日

聞公選爲臨時大總統我全協將佐歡聲如雷謹先電賀總統萬歲民國萬歲再新定國旗遵

陽歷二月廿三日即壬子正月初六日

諭已換惟風聞大總統有赴南京消息我將士等全體反對請公萬不可行統領官范國璋暨全協官兵同叩

大通軍政分府黎宗嶽致袁大總統電

陽歷二月十九日即壬子正月初二日

頃接南京參議院刪電本日孫大總統辭職滿場一致公舉我公爲臨時大總統從此大局底定四海一家人民共享共和之福南北永無衝突之虞此皆公與孫公盛德所致宗嶽謹率皖南千五百萬同胞額首慶祝並遵南北軍界聯合會章服從統一政府之命令特此電賀伏乞訓示遵行不勝企盼待命之至安徽大通軍政府黎宗嶽叩篠

小呂宋布業商團黃金鈞等慶賀袁大總統電

陽歷二月二十日即壬子正月初三日

民主未經公認總統必須信孚外人再不就任前途危險務求力爲其難就任蒞事以拯淪亡僑民幸甚小呂宋布業商團黃金鈞等叩

袁大總統復電

小呂宋布業商團黃君金鈞諸君同鑒大局初定猥邀公舉不敢不勉盡公僕義務用副海內外同胞雅望謹復袁世凱卬

駐古巴吳代辦慶賀袁大總統致外務部電

陽歷二月十八日即壬子正月初一日

民國成立欣聞袁大總統被衆公推僑氓欣忭乞叱名代旅古華僑祝賀壽全東

旅美總商會致外部電

陽歷二月十八日即壬子正月初一日

袁公總統全體僑商公認旅美總商會叩篠

大阪中華商會慶賀袁大總統電

陽歷二月十九日即壬子正月初二日

昨蒙溫諭傾慕益殷現衆口交推躬膺大任輿情咸順元夜臚歡大阪中華商會率華僑恭賀東

美國芝加哥中華會館李蓮士等及全體華僑慶賀袁大總統公電

陽歷二月二十日即

壬子正月初三日

帝位退亂未平防干涉乞公順輿情膺大任聯五族奠邦基美國芝城中華會館李蓮士梅宗

周湯信暨全體華僑公叩

駐巴黎正太鐵路銀公司致郵傳部鐵路總局電

袁大總統爲國民信仰寄以重任祈代敬賀本公司以後遇事仍照前極力使貴局滿意祈將此意轉達袁大總統爲荷巴黎正太鐵路銀公司董事會會長康士

袁大總統復南京巡警總監吳忠信暨警界全體電

陽歷二月十九日即壬子正月初二日

電悉承賀敬謝保障地方維持秩序惟諸君是賴共和幸福全國同之願還以相祝袁世凱效

袁大總統覆南京第二師團杜淮川第三師團陳懋修電

陽歷二月十九日即壬子正月

初二日

民國統一皆我愛國軍民之力世凱何功承賀滋愧袁世凱效

